

## ԱՐՁԱՆԱԳՐՈՒԹՅՈՒՆ /2-րդ/

**«ՍԱՆ ՎԱԼԼԻ» ՍՊԸ-ի կողմից ներկայացված Արմավիրի մարզի Արտամետի ավազակոպճային խառնուրդի հանքերևակման տեղամասում նախատեսվող օգտակար հանածոյի արդյունահանման նպատակով երկրաբանական ուսումնասիրության շրջակա շրջակա միջավայրի վրա ազդեցության գնահատման հաշվետվության երկրորդ հանրային լսման վերաբերյալ:**

29.05.2025թ.

Արտամետ բնակավայր

Հանրային լսմանը մասնակցում էին՝

- հանրային լսման պատասխանատու՝ «Շրջակա միջավայրի վրա ազդեցության փորձաքննական կենտրոն» ՊՈԱԿ-ի գլխավոր մասնագետ Հովիկ Մեսրոպյանը:
- Բաղրամյան համայնքի գյուղատնտեսության և բնապահպանության բաժնի պետ Ա. Դավթյանը
- Արմավիրի մարզի Բաղրամյան համայնքի Արտամետ բնակավայրի վարչական ղեկավար Գոռ Ղազարյանը:
- «ՍԱՆ ՎԱԼԼԻ» ՍՊԸ-ի տնօրեն Դավիթ Թովմասյանը:
- Ընկերության ներկայացուցիչ Արտակ Անտոնյանը:

«Շրջակա միջավայրի վրա ազդեցության գնահատման և փորձաքննության մասին» օրենքի (03.05.2024թ. ՀՕ-150-Ն, այսուհետ՝ Օրենք) համաձայն, ինչպես նաև ՀՀ կառավարության 28 դեկտեմբերի 2023 թվականի N2343-Ն որոշմամբ /այսուհետ՝ Որոշում/ սահմանված կարգով 2025թ. մայիսի 29-ին ժամը 12:00-ին Արմավիրի մարզի Բաղրամյան համայնքի Արտամետ բնակավայրի վարչական ղեկավարի նստավայրում տեղի ունեցավ «ՍԱՆ ՎԱԼԼԻ» ՍՊԸ-ի կողմից ներկայացված Արմավիրի մարզի Արտամետի ավազակոպճային խառնուրդի հանքերևակման տեղամասում նախատեսվող օգտակար հանածոյի արդյունահանման նպատակով երկրաբանական ուսումնասիրության շրջակա միջավայրի վրա ազդեցության գնահատման հաշվետվության երկրորդ հանրային լսման վերաբերյալ:

Հանրային լսումը վարեց «Շրջակա միջավայրի վրա ազդեցության փորձաքննական կենտրոն» ՊՈԱԿ-ի գլխավոր մասնագետ Հովիկ Մեսրոպյանը, ով հանդես եկավ բացման խոսքով, ներկայացրեց փորձաքննական գործընթացը և կատարված աշխատանքները:

Ներկայացվեց, որ Արտամետ բնակավայրում նախատեսվում է իրականացնել «ՍԱՆ ՎԱԼԼԻ» ՍՊԸ-ի կողմից ներկայացված Արմավիրի մարզի Արտամետի ավազակոպճային խառնուրդի հանքերևակման տեղամասում երկրաբանական ուսումնասիրության աշխատանքներ:



Համաձայն Օրենքի նախատեսվող գործունեությունը դասակարգվում է որպես Բ կատեգորիայի գործունեության տեսակ:

Հաշվետվությունն Օրենքով սահմանված կարգով ներկայացվել է շրջակա միջավայրի նախարարության ստորաբաժանումներին և տարբեր գերատեսչություններ կարծիքներ ստանալու նպատակով: Փորձաքննության իրականացման արդյունքում հաշվետվության վերաբերյալ եղել են առաջարկություններ և դիտողություններ, որոնց հիման վրա հաշվետվությունը ներկայացվել է նախաձեռնողին լրամշակման:

Լրամշակված հաշվետվությունը ներկայացնելուց հետո, Օրենքով և կառավարության որոշման պահանջներին համապատասխան նշանակվել են հանրային լուսմներ: Այս հանրային լուսմն օրենքով 2-րդն է, 1-ին հանրային լսման արդյունքում համայնքի ավագանին տվել է իր նախնական համաձայնությունը:

Համաձայն կառավարության Որոշման՝ շահագրգիռ հանրության գրավոր կամ էլեկտրոնային կարծիքները, դիտողությունները կամ առաջարկությունները՝ առկայության դեպքում պետք է ներկայացվեն փորձաքննական կենտրոնին ծանուցումից հետո՝ 20 աշխատանքային օրվա ընթացքում:

Այնուհետև, փորձաքննական կենտրոնի մասնագետը ներկայացրեց նախատեսվող գործունեության վերաբերյալ տեղեկատվություն՝ մասնավորապես հայցվող տարածքին այգիներն մոտ գտնվելու հանգամանքը:

Հանրային լսման ընթացքում ելույթ ունեցավ ընկերության տնօրեն Դավիթ Թովմասյանը նշելով, որ ընկերությունը նախատեսում է իրականացնել միայն երկրաբանական ուսումնասիրության աշխատանքներ, ինչպես նաև իրականացվելու է բնապահպանական միջոցառումներ, հետևաբար այգիների վրա որևէ ազդեցություն չի կարող ունենալ, կնվազեցնի շրջակա միջավայրի վրա գործունեության հնարավոր բացասական ազդեցությունը:

Հանրային լսման մասնակիցների կողմից եղան հարցադրումներ, որոնց վերաբերյալ տրվեցին սպառիչ պատասխաններ:

Ամփոփելով հանրային լսման արդյունքները՝ լսման մասնակիցները որոշեցին հավանություն տալ «ՍԱՆ ՎԱԼԼԻ» ՍՊԸ-ի կողմից ներկայացված Արմավիրի մարզի Արտամետի ավազակոպճային խառնուրդի հանքերակման տեղամասում նախատեսվող օգտակար հանածոյի արդյունահանման նպատակով երկրաբանական ուսումնասիրության շրջակա միջավայրի վրա ազդեցության աշխատանքներին:

«Շրջակա միջավայրի վրա ազդեցության  
Փորձաքննական կենտրոն»

ՊՈԱԿ-ի գլխավոր մասնագետ՝

«ՍԱՆ ՎԱԼԼԻ» ՍՊԸ-ի ներկայացուցիչ՝

 Հովիկ Մեսրոպյան

 Արտակ Անտոնյան



